

idolo Moloch 1 Reg. xi. 7. Subter eum est locus Tophet five Gehennom. Inter Orientem & Austrum est ager Hakeldemah, habens à tergo *montem mediocriter sublimem*: qui eodem appellatur nomine. Porro ab Occidente adhæret ei ager Fullo- nis, qui ab Occidente terminatur in *montem Gion*. Et hic mons ab Occidente im- minet civitati, sed sensim decrescit versus portam judicariam. Ultra torrentem Cedron, in latere Aquilonari montis Oliveti, est *mons alius altus*, quatuor stadiis à Jerusalem distans, ubi Salomon idolo Moabitarum, nomine *Chamos*, templum con- struxit, 1 Reg. xi. 7. & ubi tempore Machabæorum ædificatum fuit *castrum*, cujus indicia adhuc hodiè ibi cernuntur. Duabus leucis à Jerusalem, in angulo, qui est inter Occidentem & Septentrionem, est *mons Silo*, qui nunc *ad Sanctum Samuëlem* dicitur, ubi fuit arca Domini longo tempore, tabernaculum fœderis, quod fecerat Moyses in deserto. Hinc per unam leucam est *Gabaon*, *civitas* in tribu Benjamin, & in *eodem monte* sita: unde erant *Gabaonitæ*, qui, funibus in collum missis, venerunt ad Josuam, fraudulenter cum eo fœdus ineuntes, Jos. ix. A Jerusalem decem nume- rantur leucæ contra Occidentem ad *castellum Emaus*, ubi Dominus in fractione pa- nis cognitus est à discipulis, Luc. xxiv. 30, 31. Is locus hodiè *Nicopolis* dicitur. A Jerusalem duæ sunt leucæ contra Occidentem ad *Bethoron inferiorem*, de qua fit mentio in libro Josuæ, Jos. xviii. 13. A Jerusalem contra Occidentem quatuor sunt leucæ & dimidia ad *Cariath Jarim*, quæ una fuit de urbibus Gabaonitarum, ubi arca Domini viginti annis mansit, postquam à Philistæorum terra fuit reducta, 1 Sam. vii. 1, 2. A Cariath Jarim ferè ad Occidentem est *Lachis*, etiam una ex urbibus Gabaonitarum, quam obsedit Sennacheribus tempore Ezechix, 2 Chron. xxxii. 9. De Cariath Jarim si duabus leucis contra Austrum procedas, occurrit *Bethsames oppidum*, ad quod vaccæ duxerunt arcam Dei tempore messis triticeæ, 1 Sam. vi. 12, 13. ubi plurimi mortui sunt, qui arcam Dei nudam viderunt yf. 19. A Jerusalem decem leucis versus Occidentem est *Ramatha Sophim*, quæ partim erat de tribu Benjamin, & partim de tribu Juda, sita tamen in *monte Ephraim*. Dicta quoque fuit *Aramathia*, de qua fuit Joseph nobilis decurio, qui sepulturæ Do- mini interfuit, Matth. xxviii. 57. & Marc. xv. 43. Hinc quoque Samuël prophe- ta oriundus fuit, 1 Sam. i. 19, 20. ibique sepultus, 1 Sam. xxv. 1. & vocatur hodiè *Ra- mula*. A Ramula versus Occidentem tres sunt leucæ ad *Joppen* civitatem, ubi Jo- nas navim intravit, cupiens fugere à facie Domini in Tharsis, hoc est, ad insu- las Maris, Jon. i. 3. Porro ad *Bethleëm civitatem David*, ad Austrum sitam, tres sunt leucæ, in cujus sinistra parte est via, quæ ducit in *Hebron*, in qua viatori quoque occurrit, si parum ad dextram declinet, *sepulchrum Rachelis*, cui *pyramis pulchra* imminet, à Jacob in titulum monumenti extructa, Gen. xxxv. 20. est *Bethleëm* sita in colle arcto & oblongo, habens in Occidente & in declivi loco col- lis ingressum, ubi etiam est *cisterna* juxta portam, de qua David bibere desidera- vit, quum esset in præsidio, 1 Chron. xi. 16, 17. In extremitate verò Orientali sub rupe quadam, quæ erat juxta murum civitatis, fuit secundum morem illius terræ locus pro stabulo: habens præsepe in rupe excisum, ubi mundi salvator de Vir- gine natus & reclinatus fuit, quum locus alius commodior in diversorio non esset quàm præsepe, in quod mundi creator & redemptor reponeretur, Luc. ii. 7. Hic hodiè *facellum* est exstructum nobilissimum, stratum marmore, & marmoreis ere- ctum columnis, ut vix hodiè inveniri possit locus sacer illo pulchrior, ut etiam Sultanus tentarit hinc asportare columnas & alia crusta marmorea, quibus parietes nitent, ad decorandum palatium suum Babylonicum: sed serpente subito appa- rente, & terrorem incutiente, desistere coactus est à concepto proposito. Viden- tur quoque juxta hanc ecclesiam indicia quædam *Monasterii*, in quo lectus & se- pulchrum Divi Hieronymi peregrinis ostenditur. Item ostenditur locus occisionis innocentium puerorum, Matth. ii. 16. & sepulchra Paulæ & Eustochii, haud longè ab hac ecclesia. A Bethleëm per dimidiam leucam ad Occidentem est *villa Bezer*, ubi captus fuit Adoni-Bezec, & truncatus summitates manuum atque pe- dum, Jud. i. 6. Crescit ibi optimum vinum, quo melius in terra illa non inveni- tur. A Bethleëm duabus leucis contra collem Achillæ est civitas *Thecua* in monte sita,